

Kinwaati ki nkosi ki Pita-a Fiee fi nuun le Kinwaati ki Pita-a ki nkosi kini-i

Kinwaati ki Pita-a ki nkosi kini nuun ε tɛ tɛɛ li beniin be Krai be tɛ saangɛ be gɛɛn be tsiin li bintsii li chichi chichi (1:1). Fiee fi nɔŋa fi tɛ fɛ se tɛɛ kinwaati kini tɛ nuun le deeni shɛn yi beniin bani si beniin tɛ biindi bikaa le be jin, be nɛŋgi bɛngɛ kii shɛn yi be tɛ gɛɛ li Krai li. Le deeni be ni, Pita tuu kimi be kii nton wu dzeen wu kii Jiso Krai wu kwe ye be mbochu li kwe-e we be nkaache we le gii naa kaari bɛ, nuun fiee fi be gii be ni be bichi limfwe ε be gɛɛ bufii bu bee li fi-i.

Bikoo bi biee bi le Kinwaati kini-i

1:1-2 Mbɛɛche

1:3-12 Nkiime si Nyɔ ti suuti beniin

1:13-2:10 Ntifi kii ntɛ wu waan

2:11-4:19 Si wi wu Krai nuun ni dzeti bɛngɛ be nɛŋgi

5:1-11 Si wi wu Krai nuun ni shikisi yi yee tuu nindi tɛ li beniin li

5:12-14 Kimerise

¹ Kinwaati kini ε mi Pita wu nwanɛ nton wu Jiso Krai wu tɛɛ. Mi ntɛɛɔ li beniin be Nyɔ tsaa le be ni be nuun bee be tɛ saangɛ be to mfon li bimbe bi Pontu, Galashan, Kapadosia, Eesha mɔɔ Bitina.

² Nyɔ Baa wusɛn tɛ tsaa bɛn si yi tɛ kɛɛ kitun mɛɛn lindɛeri le fi gii naa fi nuun. Fiana yee nachɛ bɛn yi

gɛɛ chichi le nɛ woo li Jiso Krai bɛ sɛri bɛn bɛ ngɔn mee. Nyɔ doonchɛ shɛn yee yi dzeen li be-en nge nyɛ bɛn shɛn yi mbɛɛngii nge.

Tɛ tsiin tɛ bichi nuun bu limfwe-e kwaa

³ Mpiaru ni nuun li Nyɔ-ɔ yi nuun Nyɔ mɔɔ Baa wu Tɛ Taa wusɛn wu Jiso Krai. Wu biɛɔ tɛɛben li biɛɔ chi fɛ-en si Jiso Krai tɛ bo li kwe-e, nuun nshiin yi kɛmi nge li bee li yi fɛ. Fini fɛ fiɛɛ tɛɛben se tɛ tsiin dɛɛni tɛ bichi nuun bu limfwe-e,

⁴ le tɛɛben naa tɛ ji bisɛyɛ bi wu gɛɛ li be-en, li kwɛɛn wu liboo li. Bisɛyɛ bini nuun bi tɛ naa fɔ kɛ, nuun bi tɛ naa bee kɛ, nuun bi tɛ naa kwi nchɔn kɛ.

⁵ Nyɔ kiichi yɛ bɛn bɛ bunga bwee le gɛɛn bo li kinsofu kinɛ ki yi nachɛ yi gɛɛ le ki gii naa ki yɛnɛ bu jobɛ chi kimɛrisɛ-ɛ. Yi kiichi yɛ bɛn lɛ kɛti li shɛn yi nɛ gɛɛ li yi-i.

⁶ Si nɛ kii baa lɛ, nɛ se wuki baa bujɔn. Se nuun le nɛ kɛmi le nɛ ni nɛ wuki bubieɛ li mfi niin li kii bɛmɔnchɛ bɛ bɛɛ lɛ be-en lɛ dzɛ lɛ dzɛ.

⁷ Wu bɛɛɔ le mɔnchɛ laa shɛn yinɛ yi nɛ gɛɛ li Nyɔ-ɔ yɛɛ chɛɛn le. Mɔɔ kikwa ki bɛ feti kwa lu bɛ ti mendi ki bɛ wi, kikwa kini se nuun fiɛɛ fi nuun fi boon, kɛ nuun bɛ mɔn nɛɛ tɛ shɛn yinɛ yi nɛ gɛɛ li Nyɔ-ɔ, kifɛ yi nuun fiɛɛ fi yɛki kikwa ki bɛ feti kwa lu. Bɛdɛɛni, naa nuun jobɛ chi Jiso Krai doonchɛ yi yee, mpiaru, n'yɔɔnchɛ bɛ ngunɔ ni nuun li be-en.

⁸ Nɛ kɔngisi baa Jiso Krai nɛ mɛɛn saa kɛ le nɛ nɛn wu kɛ, nɛ bɛn baa li wuu dɛɛni, mɔɔ nuun si nɛ nɛn gi yɛ wu kɛ lɛ. Nɛ se wuki baa bujɔn nge bu nuun wi tɛ tee kɛ,

⁹ kife nε kii baa le si nε gεε shén li wuu le, flee fi gii naa fi bε le lejín gii naa nuuñ kinsofu ki fiana yiné-ε.

¹⁰ Bentomfón bε Nyɔ-ɔ bε tē tiiti kii kin̄kɔngisε ki Nyɔ-ɔ tē nuuñ le yi gii naa doonche li be-en, be tē tēeti be wεki le be kεε kii kinsofu kini.

¹¹ Fiana yi Krai tē nuuñ li bee si be tē lan̄ini le Krai gii naa ηεñ ηge ke tuu nuuñ lejín, se kεmε bun̄ɔja. Be se tuu be wεki le be kεε mfi wu biee bilu gii naa bi ka, bε dze yi bi gii naa bi dende bi se ka le.

¹² Nyɔ se tuu yi fε le be kεε le biee bi be tē tiiti bini nuuñ yε bi be tiiti li yih yi bee kε, le bi biεε li be-en. ε bi bi nε tē woo li bimfimu bi ben̄iñ bε tē fen̄jisi nton̄ wu dzeen̄ wu kii Krai li be-en li bun̄ga bu Fiana yi Waan̄ yi Nyɔ tē tuumi yi bε liboo. Bini nuuñ biee bi mɔɔ benchindaa bε Nyɔ-ɔ dii le be kεε bi.

Bēniñ bε Nyɔ-ɔ ni be wuuti li bin̄ge bi bee

¹³ Si fi nuuñ le, nache yεεñ bufii bunε, nε kan̄ bitsaa binε. Nε ni nε bichi le yi yiné-ε, nε bichi limfwe bujón nuuñ li kin̄kɔngisε ki Nyɔ gii naa bε doonche li be-en mfi wu Jiso Krai kaari wu doonche yi yee.

¹⁴ Nε wuki nuuñ li Nyɔ-ɔ si bɔɔñ bee. Kiñ nε ni nε biki biee bi nyan̄ yi bwin̄ kɔngisi bi nε tē feti mfi wu nε tē mεεñ li kijibε-ε kε.

¹⁵ Si yih yi tē tsaa ben̄ wuuti le, nε wuuti yεεñ tē li bin̄ge binε bichu-u,

¹⁶ si bε tseε fi nuuñ le,

“N̄'wuutɔɔ nε nuuñ waan̄ kife mi η'wε waan̄.”

¹⁷ Si nε teenyi Nyɔ le Baa wunε, nuuñ yi yi sɛki wi kwikwi li kin̄ge kee li tē doonche chichi chichi kε,

ke ne kemi le ne ni tsiin ntse wune be nchenu Nyɔ li mfi kwikwi wu ne nuun li nshe yini si mfon le.

¹⁸ Mɔɔ ne kii le Nyɔ tɛ go ben kitun li ntse wu loɔɔ wu bechaa bene tɛ kuuri ben lu, tɛ mɛɛn ki go ke nuun be fiee si kwa wu nuun wu naa wu bee ke.

¹⁹ Tɛ go nuun be ngɔn me Krai me nuun ye fiee fi loɔɔ ke, me nuun si me nwanɛ nshɔɔn yi muntofi yi ti kemi ye chɔ ke, ke fiee fimu fi bifi lu linti ke.

²⁰ Nyɔ tɛ tsaa wu nshe mɛɛn yi se naa yi bechi, yi doonche wu li jo yi kimerise-e yini kii ben.

²¹ E Krai wu tɛ fe ne se ben li Nyɔ-ɔ yi tɛ buu wu li kwe-e yi nye wu bunɔɔa. Si tɛ fe le, shɛn yine be bembeeche bene se nuun be ne gee li Nyɔ-ɔ.

²² Si ne woo baa li cheɛn li le, cheɛn wulu fetɔɔ fi-ana yine wuuti le ne se kemɛ kinɔngise li benwaana ki cheɛn, ne ni ne kɔngisi ne le be shɛn yine chi.

²³ Ne ni ne kii le be kaari baa be bie ben li biero chi fe-ɛn. Wu wu bie ben wuni nuun ye wu nuun kwi ke. E Nyɔ kibee yi nuun tɛ naa kwi ke. Yi bie ye ben nuun be je ye yi nyee ntse. Je ye yini gii yi ba yi ni yi lemi fe.

²⁴ Fi nuun si be tɛ tsee le Kinwaati ki Nyɔ-ɔ le,
“Wiwon kwikwi nuun ne si kitɔɔ le,
bujɔɔn bwee se nuun si flaaba wu litɔɔ.

Kitɔɔ ti bee ki wɔɔbe, flaaba se keeri,

²⁵ Se nuun le je yi Taa gii yi ni yi lemi ne fe mfi kwi.”

Je yilu nuun nton wu dzeen wu kii Krai wu be tɛ feenji li be-ɛn.

2

Kii Tɛtɛ chi kemi ntse mɔɔ kiton ki waan

¹ Fi se fiεε nuuŋ le, nε chine li shén yi bifi-i chi, nε chine li kimfi kichu-u mǝǝ jé fiεtu, nε chine li kimi ki fuumε-ε mǝǝ jé yi bifi chi kii beniiŋ.

² Nshǝǝŋ ni yi gbengi yi tɛti ben li n'yamfu mbeen yi wuuti yi li fiana-a nεε si yi ti tɛti bǝǝŋ bε bwi li mbeen li, ke yi se fε nε ni nε kuu nsiin nε naa nε kεmε kinsofu kine.

³ Nε feti yeŋ le si nε mǝŋ baa nε ŋeŋ le Taa nuuŋ bujǝŋ.

⁴ Nε bεε fε Krai wu nuuŋ Tɛtɛ chi kɛmi ntse, beniiŋ tɛ faaŋ le chi dzeen ye kε, se nuuŋ le Nyǝ tsaa chi le ε chi shaan fε yi-i.

⁵ Nε baa tε si ta yi kɛmi ntse yi Nyǝ gwendi yih yi fiana bε yí, le nε ni nε nuuŋ kintutu ki bεte muntofi bee bε waan, nε feti muntofi mu fiana-a li yi-i mu yi kǝŋgisi keti li Jiso Krai.

⁶ Fi fiεε le Kinwaati ki Nyǝ-ǝ le,
 “Biche yeŋ nε ŋeŋ, ŋgikǝ tɛtɛ li kitoŋ ki Sayǝ-ǝ,*
 nuuŋ tɛtɛ chi boo chi yi-ih.
 Ɛ tɛtɛ chi mi ntsaa, chi dzeen fε mi-i.
 Tɛtɛ chini cheε le ε wi gεε ŋgeen li wuu, mwε tɛ naa de kε.”

⁷ Li ben bε gεε shén li wuu bani, tɛtɛ chini cheε fīe fi shaan fε be-eŋ. Se nuuŋ le, li beniiŋ bε mεeŋ ki gεε kε shén li wuu kε, chi cheε fε bee si bε tε tseε le Kinwaati ki Nyǝ-ǝ le,

“Tɛtɛ chini, ε chi chi beniiŋ bε ŋgwanu tɛ faaŋ,
 chi se dza cheε chi to chi bε gwendi nuuŋ boo chi yi-ih lu.”

⁸ Fi se tuu fi nuuŋ ε bε tseε le,
 “Tɛtɛ chini gii chi fε beniiŋ ni be kǝtini li chi-i.

* **2:6** Sayǝŋ nuuŋ bukoon bu kitoŋ ki Jerosaleŋ le.

Ɛ kimbanj ki gii ki ni ki feti beniinj weeyi.”

Be kɔtini baa li chi-i kife be faanj baa mbeenche je yi Nyɔ, fi fiɛ si Nyɔ tɛ nache kitunj le fi gii naa fi nuunj.

⁹ Se nuunj le, nɛ baa finɛ nuunj kingɔkɛ ki Nyɔ tsaa kitunj. Nɛ baa kintutu ki bɛte muntofi bɛ nindi li Mfo-onj. Nɛ baa kitonj ki waanj, beniinj bɛ Nyɔ fɛ le be ni be nuunj bee, le nɛ ni nɛ tiiti biee bi dzeenj bi yi feti. Ɛ yi yi teenj bej, nɛ se bo li kijibe-ɛ, nɛ ɛ li kinj'wofu kee ki nɔŋa-a.

¹⁰ Tɛ nuunj ŋkosi nɛ nuunj yɛ beniinj kɛ, dɛɛni yani nɛ baa beniinj bɛ Nyɔ-ɔ. Nɛ tɛ mɛɛŋ ki fi kɛ nshiinj yi Nyɔ kɛ, dɛɛni yani nɛ fi baa nshiinj yi Nyɔ.

*Beniinj bɛ Nyɔ-ɔ ni be doonchi kinge
ki dzeenj ɛ beniinj bɛchu lɛnti*

¹¹ Nsán yɛŋ yi shén, si nɛ baa bilɔ bi nyinj li nshe yini-i ɛ, mi nse mbɔsɔ yi nsunji bɔ li be-enj le kiinj nɛ ni nɛ feti biee bibifi bi nyanj yi bwinj kɔŋgisi kɛ, kife biee bini gwii bieɛ bɛ fiana yinɛ.

¹² Nɛ doonchi kinge ki dzeenj ɛ beniinj bɛ kii yɛ Nyɔ kɛ-ɛ lɛnti ke mɔɔ be kayi biee li be-enj le nɛ bee baa, be ni be ŋinjgi kinge kinɛ ki dzeenj, ke naa nuunj jobɛ chi Nyɔ bɛɛ, bɛ ni bɛ tendi bɛndee bɛ yi-i.

¹³ Nyɛ yɛɛŋ yih yinɛ li wi kwikwi kii Taa, li beniinj bɛ bɛ gɛɛ le be ni be sɛki beniinj. Nɛ nyɛɛ yɛɛŋ yih yinɛ li Mfɔŋ wu Lo-om wu nuunj Mfɔŋ wu nyɔŋa,

¹⁴ mɔɔ nuunj beniinj bɛ wu gɛɛ le be ni be sɛki bimbe bi kwɛɛŋ ɛ, be lisi beniinj bɛ feti biee bibifi li ŋge-ɛ, be piɛti bɛ feti biee bi shaanj.

¹⁵ Nyɔ wɛki le nɛ ni nɛ feti biee bi shaanj, nɛ se ni nɛ maki bimfimu bi bibere bi beniinj ɛ bi tiiti biee bi be kii yɛ biee bi be tiiti kɛ.

16 Nε tsiinj yεεη si beniinj be fiee fimu kendi yε be ke. Se nuunj le, kiinj nε ni nε dzeti fieε nε tekisi fε lii nε feti bibifi ke. Nε tsiinj nuunj si bemfa be Nyɔ-ɔ.

17 Nε guundi beniinj bechu, nε kɔŋgisi beŋwaana bene be kimbeenchε-ε bechu, nε chendi Nyɔ, nε guundi Mfɔŋ wu nyɔŋa wu Lom.

Beniinj be Nyɔ-ɔ ni be dzeti mbose yi nge wu Krai

18 Ben be nindi li beniinj bamu-u, nε nyεε yεεη yi yine li beniinj be nε nuunj le bee lekwiinj, nε guundi be bujɔŋ. Kiinj nε ni nε nyεε yi yine nuunj li beniinj be mbeengii li be bichi le be-en kwaa ke. Nε nyεε tε yi yine mɔɔ li beniinj be nasini-i.

19 Ntiitɔɔ ni kife Nyɔ ti wuki bujɔŋ be wi wu be nweki be wu, wuki ntɔnye, fiee fi wu fε nsinj, kendi nεε nuunj shɛŋ kife wu gεεɔ bufii bwee li Nyɔ-ɔ.

20 E be sungi ben le nε chɔ baa fiee, nε kendi shɛŋ, mben wulu se nuunj la? Se nuunj le, ε nε nŋingi nge nuunj li fiee fi dzeen fi nε feti-i, nε kendi shɛŋ, Nyɔ woo bujɔŋ be ben.

21 E kintsii kine le nε ni nε nŋingi nge, kife Krai tɛ nŋen nge tɛ kii ben, doonche mbose li be-en le nε dzɔɔ kika kee.

22 Ti mεεη mɔɔ ki fε ke bibifi ke, jε fieε ti mεεη mɔɔ saa ke li yi bo le wuu wa ke.

23 Mfi wu be tɛ gaashi wu, ti mεεη ki tuu ke be ngeashe ke. Fε be tɛ nweki be wu, tɛ mεεη mɔɔ ki bine ke, tɛ nyε fiee fichu nuunj li tsan yi Nyɔ yi kii nsawu nsa tsaan.

24 Wu kibεε tɛ too bibifi bi tεben li wuu bwinj li kintaanj li. Tɛ fε le tεben se kwi tε gate be bibifi, tε ni tε tsiinj ntε wu tsaan. Bibaa biee fε bieε nε temi kitunj.

²⁵ Nε tē shiinj nε mbwenji si nshóŋ, dεeni nε se kaari baa nε bε li Kĩŋkiichε bε Kimbichε ki ntse wunε-ε.

3

Si kwεεŋ bee nyumi nuuŋ be ni be tsiinj

¹ Bukεεŋ bε yi-i, nε nyεε yεεŋ tε yi yinε li buninj bεnε-ε. Ε nε feti lε, wi wumu li bee wu fεŋgi mbeenche li jε yi Nyɔ-ɔ, gii dza beŋ wi mεεŋ mɔɔ ki tee kε fiee li wu-u kε, nuuŋ kɪŋge ki kwεsi ki fε,

² si buninj bεnε ŋɪŋgi nε tsiinj ntse wu waan, nε kεmi ŋgunu lε.

³ Kiinj fiee fi doonchi bujɔɔŋ bunε ni fi nuuŋ nuuŋ biee bi libwiŋ si biee bi bε nachε yi yi lifa le yi dzɔɔŋ kε, bε nlisu bitsaa, mɔɔ nchuminε yi bε ndú yi dzeen kε.

⁴ Fiee fi kεmi le fi ni fi doonchi bujɔɔŋ bu wi-i ni fi nuuŋ fiee fi nuuŋ li shén yee li. Nwaani bujɔɔŋ buni nuuŋ tē naa kwi nchɔŋ kε, bu nuuŋ bu shén yi dendi yi nuuŋ mbεεŋgii. Buni nuuŋ bu Nyɔ ŋɪŋgi le ε bu shaan fε yi-i.

⁵ Ε lε si bukεεŋ bε waan bε ŋkosi bε tē gεε bufii bubee li Nyɔ-ɔ, tē shiinj be doonchi bubee bujɔɔŋ lε. Be tē nyε yih yibe li buninj bε bee.

⁶ Kwεεŋ si Saara, tē wuki li Abraha-aŋ se teenyi wu le taa. Beŋ tε, nε baa bɔɔŋ bε Saara ε nε feti biee bi tsaan nchenu fiee nsinj.

⁷ Buninj, nε kii tε dze yi nε kεmi le nε ni nε tsiinj bε bukεεŋ bεnε le. Nε nyεε ŋgunu li bee si be kεmi yε bunŋa si beŋ kε lε, mɔɔ si Nyɔ bɔɔni yε beŋ bechu bε ntse wu kimake lε. Nε tsiinj nεε lε, le kiinj fiee fimu ni fi banj nleke li Nyɔ-ɔ wunε kε.

Nɛnu ɲɛ kii fiee fi dzeen yuti kii fi bifi

⁸ Li mɛrisɛ-ɛ, nyɛɛɔ bɛɲ bɛchu ntifi le, nɛ ni nɛ kɛmi shɛɲ yi mumkpaɲ, nɛ keeti nshiɲ, nɛ kɛmi tɛ kinƙɔɲgise ki bɛniɲ bɛ kimbeenchɛ-ɛ, nɛ kɛmi shɛɲ yi mbɛɛɲgii, nɛ shikisi yih yinɛ fɛkwiɲ.

⁹ Ɛ wi fɛ bubieɛ bɛ wi, wi wu tuu kɛ bɛ bubieɛ kɛ. Ɛ wi gaa wi, kiɲ wi ni tuu tɛ bɛ ɲgaashɛ kɛ, se nuuɲ le tiɲ nuuɲ mwɛ li mwɛ-ɛ. Fini nuuɲ fiee fi Nyɔ teen bɛɲ kii fi le yi gii yi tiɲ mwɛ li be-ɛɲ.

¹⁰ Ɛ fi fi bɛ tsɛɛ baa le,
 “Ɛ wi kɔɲgisi le woo bujɔɲ li ntɛ we-e,
 bɛ le ɲɛɲ jo yi dzeen,
 mwɛ dzɔ mfi bɛ nimi chee li bibifi-i,
 jɛ fiɛtu yi bo kɛ lɛ kimfime kee li kɛ.

¹¹ Kɛmi le baa dzaa li bieɛ bibifi-i,
 ni feti nuuɲ bi dzeen, ni kɔɲgisi mbɛɛɲgii biki wu

¹² kifɛ Taa ti bichi lɛ bɛniɲ bɛ tsaɲ li,
 wuki nlɛkɛ li Nyɔ-ɔ wube.

Se nuuɲ le, Taa ti nyɛɛ yɛ mɔɔ bintoɔɲ bieɛ li bɛniɲ
 bɛ feti bibifi-i kɛ.”

¹³ Ɛ nɛ kɛmi ɲgeɛɲ yi nyɔɲa le nɛ ni nɛ feti bieɛ bi dzeen lɛ, wi wu gii naa tuu fɛ fiee fi bifi bɛ bɛɲ se nuuɲ noo?

¹⁴ Se nuuɲ le, mɔɔ bɛniɲ nyɛɛ bɛɲ ɲɛ kifɛ nɛ feti bieɛ bi tsaɲ, kɛ Nyɔ gii yi tiɲ mwɛ li be-ɛɲ. Kiɲ nɛ ni nɛ chɛndi be kɛ, kɛ shɛɲ ni yi wɛsini bɛɲ kɛ.

¹⁵ Nɛ ni nɛ guundi nuuɲ Krai li shɛɲ yinɛ-ɛ si Taa wunɛ lɛ. Nɛ nachi yɛɛɲ yi yinɛ mfi kwi, nɛ ni nɛ tɛɲgi le nɛ nyɛ ntusu li wi wu nuuɲ bii fiee fi nɛ bichi limfwɛ li fi-i. Se nuuɲ le ɛ nɛ tusi lɔɔ, nɛ tusi mbɛɛɲgii bɛ ɲɲuɲ.

¹⁶ Kiɲ nɛ ni nɛ feti fiee fi nuuɲ fi ni fi sɛki bɛɲ li shɛɲ li kɛ, nɛ lɛ ɛ bɛ gaashi bɛɲ, bɛ tiiti jɛ yi bifi kii

binge bine bi dzeen kii ne nuun beniin be Krai le, buya ni bu keeti be.

¹⁷ Ne ni ne kii le fi dzoo le ne nen nge kii flee fi dzeen fi ne feti fe Nyoo kooŋgi le fi nuun, yeŋi le ne nen nge kii flee fi bifi fi ne fe.

¹⁸ E ne le si Krai te nen nge kwi. Te kwi kii bibifi bi beniin le mfwa mumkpan fi ma le. Wu wu te nuun wi wu tsaan te kwi li beniin be te nuun ye tsaan ke le be be bee fe Nyoo. Be te wo wu kwi li nyan yee, se nuun le Nyoo fe le ni nuun lu li fiana-a.

¹⁹ E li fiana yini-i yi te geen tiiti je yi Nyoo li fiana yi nuun li yih yi ncha-a.

²⁰ Fiana yini nuun yi te faan n'wuwu li Nyoo li mfi wu Noaa li. Nyoo te gbeen yi kan shen be yi, tenŋi nsiin geen bo mfi wu Noaa te choŋgo wu li dzoo. Ngo wuni nuun wu beniin te le le nyan kwaa, e be be dzoo te soo be.

²¹ Dzoo yilu yini nuun si Nlisulidzoo wu suuti ben deeni. Be lisi ye wi li dzoo nuun le be tsootse wu li kinjire kee li ke. Wu nuun nuun le be fe nkaache be Nyoo be bembeeche be waan. Nlisulidzoo wuni suuti ben be bunŋa bu Jiso Krai te bo be bu li kwe-e.

²² Jiso Krai wuni yeo liboo kitun, wu shee le kibene ki kigoŋe ki Nyoo, se we lu, benchindaa be Nyoo be fiana yi kemi bunŋa moo yi seki chi nuun le wuu lekwiin.

4

Ntse wu beniin be Nyoo nuun wu fwen

¹ Si Krai te nen nge li nyan yee le, ne keme te nwaani ye shen yi te kemi le nen nge, ne kimi le wi wu nen nge kitun li wuu bwin we nuun e bee bie bibifi ma.

² Nεε λε, mεεη yε tuu ni tsiin ntse si wu laan̄kwiin biki biee bibifi si bwin̄ yee wεki kε. Tsiin̄o biki nuun̄ biee bi Nȳo wεki.

³ Nε ni nε kii le mfi wu nε tē shiin̄ nε feti biee bi beniin̄ bε kii yε Nȳo kε k̄ngisi mferu ka wε. Nε tē tsiin̄ ntse wu nyen̄ yi bukwεε, nε biki si yi yinε nyin̄ini, nε wundi mbiin̄ me keeti ben̄, nε feti ts̄on̄ nε jii biee λε kiyon̄ nti, nε wundi biee nε yeti nkwen̄ε si bwí. Nε tē gbengi nε guundi li ben̄ȳo bε yee li nuun̄ biee bi bendi yi.

⁴ Dεeni bimfimu wondini biεε beniin̄ bε kii yε Nȳo kε si nε mεεη yε nε tuu nε taashi li kintutu ki bee li ntse wu nuun̄ si wu nyán̄ wuni-i kε, be se fiiki baa be gaashi ben̄.

⁵ Se nuun̄ le, be gii be len̄ be ku bε bimfimu bi bee Nȳo limfwe yi t̄engi le yi saa beniin̄ bε mεεη lu bε bε tē saa be kwiye.

⁶ Fieε fieε fi tē fε bε se fen̄jisi tε nton̄ wu dzeen̄ li beniin̄ bε tē kwiyeε. Bε tē feen̄ji li bee λε ke se si be nuun̄ ε bε tē saa be li nya-an̄ si beniin̄ bε beyon̄, be se ni be tsiin̄ ntse wu li fiana wu nuun̄ si wu Nȳo tsiin̄.

Wi ni nindi bε nya ye λε dze yi dzeen̄ li

⁷ Mfi wu fieε fichu gii fi ma bεεo tsek̄etsek̄ε. Bεdεeni, nε nuun̄ nεε bε bufii bunε fe, nε kiichi yi yinε, le se nε ni nε λeki li Nȳo-o.

⁸ Fieε fi yeki biee bichu nuun̄ nεε le wi ni k̄ngisi n̄waani bε sh̄en̄ yee chi kifε kin̄k̄ngise ti baanyi bibifi n̄ge.

⁹ E n̄waani wi la dende λε wu-u, fi wu, biche λε wuu wu nyaami kε wu kε.

¹⁰ Si Nyɔ nyɛ ben nyá chichi chichi ɛ, wi ni dzeti nya yi ye nindi li beniin bamu-u. Nɛ nindi bɛ kimbɔnɛ kini ki Nyɔ nyɛ ɛ dzé ɛ dzé si beniin bɛ Nyɔ gɛɛ nimɛ chee ɛ be bɔ le be ni nindi bujɔn.

¹¹ Ɛ wi tiiti fiee fi Nyɔ-ɔ, ni tiiti nɛɛ nuun fiee fi buti ɛ kimfime ki Nyɔ-ɔ kibɛɛ. Ɛ wi nindi li beniin bamu-u, nindi nɛɛ nuun bɛ buŋga bu Nyɔ nyɛ li wuu. Nɛ feti ɛ le fiee fichu fi nɛ feti, n'ɔɔnchɛ ni giingi li Nyɔ-ɔ keti li Jiso Krai. Bunɔŋa bɛ buŋga ɛ wu wu kɛmi mfi kwi ma nsin. Fi nuun ɛ.

Nɛnu nge si beniin bɛ Krai ɛ

¹² Nsán yɛn yi shén, kiin nɛ ni nɛ tɛti maa li tɔnyɛ wu nɛ wuki li yi wu bɛɛ ɛ be-en le wu mɔnchɛ ben kɛ. Kiin fi ni fi nuun si fiee fimu fi bɛndi yi fi keti bɛ ben kɛ.

¹³ Nɛ nɛki bunɛwu le nɛ nɔŋgi baa nge si Krai tɛ nɛn le ke mfi wu wu busɛ bɛ bunɔŋa bwee, nɛ se tuu nɛ ni nɛ nɛki, nɛ wuki bujɔn.

¹⁴ Ɛ beniin gaashi ben kii bukoon bu Krai ɛ, kɛ bujɔn bu nge bwɛɛ bunɛ. Fini doonchi le Fiana yi bunɔŋa yi nuun Fiana yi Nyɔ yɛɛ li be-en.

¹⁵ Ɛ wi nɔŋgi nge, kiin ni tuu ni nɔŋgi nuun kifɛ wu woɔ wi kɛ, kɛ le wu yiɔ fiee, kɛ le wu fɛɔ fiee fimu fi bifi, kɛ le wu liiɔ kimfime li bieɛ bi beniin bamu kɛ.

¹⁶ Se nuun le ɛ wi nɔŋgi nge kifɛ wɛ wi wu Krai, kiin ni ni nuun bɛ buya kɛ. Ni yokisi nuun Nyɔ le kɛmɔɔ bwɛɛ bukoon.

¹⁷ Nɛ feti yɛn ɛ kifɛ mfi bɛɛɔ wu Nyɔ gii saa beniin, yi gii yi bɛchi bɛ yih ye. Ɛ yi bɛchi nuun bɛ tɛɛben ɛ, fi se nuun nin bɛ beniin bɛ faan le be beenchi yɛ nton wu dzeen wu Nyɔ kɛ?

¹⁸ Bɛ tsɛɛ baa ɛ Kinwaati ki Nyɔ-ɔ le,

“Ɛ fi tɛɛmi li beniiŋ be tsaan li le be bɔnɛ,
fi se nuuŋ niŋ be beniiŋ be faaŋ Nyɔ, be feti biee
bibifi?”

¹⁹ Bɛdɛɛni, beniiŋ be ŋiŋgi ŋgɛ si Nyɔ wɛki le be ni
be ŋiŋgi, be feti biee nuuŋ bi tsaan, be giki yi yibe
li tsan yi Nyɔ Kintɔmu ki ti lemi li ŋkaache wu ki-i.

5

Kii nshóŋ yi Nyɔ

¹ Ntuuɔ ŋ'wɛki le nsooŋ bɔ li bɛte kintaashe ki
beniiŋ be kimbeenche-ɛ le be-eŋ lɛnti. Mi si wi wu
kintutu ki bɛte kintaashe-ɛ, ntɛ ŋeŋ be lii yeŋ si Krai
tɛ ŋeŋ ŋgɛ, nse ntuu nuuŋ tɛ wi wu gii naa kɛmɛ fɛ
bunɔŋa bu gii naa be be buu.

² Ntuuɔ nyɛɛ ntifi le, nɛ ni nɛ bichi yeŋ le nshóŋ
yi Nyɔ-ɔ yi wu gɛɛ li tsan yinɛ-ɛ bujɔŋ. Fɛ nɛ bichi
kiiŋ nɛ ni nɛ bichi, nɛ bichi kɛɛ be kɛndi beŋ bukanu
kɛ. Nɛ ni nɛ bichi be kɛŋkɔŋgise si Nyɔ wɛki. Kiiŋ nɛ
ni nɛ bichi nɛ kɛmi ŋgeen li mbeŋ wu kwa-a kɛ. Nɛ
kɛmi ŋgeen nuuŋ li nime-ɛ.

³ Kiiŋ nɛ ni nɛ shiiti li nshóŋ yi Nyɔ gɛɛ le nɛ ni
nɛ kiichi kɛ. Nɛ doonchi nuuŋ kɛŋge ki dzeen ki yi
ŋiŋgi yi biki.

⁴ Ɛ nɛ feti le, ke Kikoo ki Biŋkiiche nshóŋ le buse,
nɛ se kɛmɛ kifɔ ki bunɔŋa-a ki nuuŋ tɛ naa kwi
nchɔŋ kɛ.

⁵ Ntiitɔ tɛ li bɛsɔŋ li le, nɛ nyɛɛ yeŋ yi yinɛ li bɛte
kintaashe ki beniiŋ be kimbeenche-ɛ bujɔŋ. Beŋ
bɛchu nɛ shikisi yi yinɛ li wi bee wi-i limfwe. Nɛ kii
le, “Nyɔ ti bɛeti dzaa li wi wu tsakisi yi-i. Se nuuŋ le,
yi ti doonchi shéŋ yi dzeen li wi wu shikisi yi yee
li.”

⁶ Nε shiiki yi yine nε ni nε nuun lε bunga bu Nyɔ-ɔ lɛkwiin, ke mfi kɔche, yi se yɛeki benj.

⁷ Nε gɛɛ biee bichu bi fiɛngisi benj li tsan yee li, kife kɛmɔɔ ngeen yine.

⁸ Nε kiichi yi yine, nε bichi bujɔn kife wi wunε wu mbani wu kinjundi wɛɛndɔɔ si buri wu fuuti, wɛki wi le booyε.

⁹ Nε taan munɔnɔ bε wu, nε gɛɛ nɛɛ nuun shɛn li Nyɔ-ɔ yi ni yi tɛɛmi, nε ni nε kiimi le benjwaana bɛnɛ nɛngi baa tɛ nge lε li nshe chichi.

¹⁰ Nge wuni wε nɛɛ li mfi niin li, Nyɔ gii yi fε nε kaari nε to si nε tuu nε nuun, yi nyε benj bunga, yi fε nε ni nε lemi mkpaan nε tɛɛmi. Nyɔ nuun yi nyε kimbɔnɛ kichu li bɛniin li. Yi teen yε benj le nε lε li bunɔnɔ bwee bu kimakε-ε kife nε nuun bɛniin bε Krai lε.

¹¹ Bunja buchu ba nɛɛ bwee mfi kwi bu ti mɛɛ yε kε. Fi nuun lε.

Ben'yɛɛshe

¹² Mi ntɛɛɔ fiɛkɔsi li be-en nuun Silas wu fi mi fe* wu nuun nwanɛn wusɛn. Si nɛngi nuun wi wu nuun wi gɛɛ bufii li wuu. Mi ntɛɛɔ le nkaanɛgi shɛn yine, ntuu mfε nε se kɛɛ le fiee fichu fi mi ntɛɛ doonchi chɛɛn wu kii mfie wu nuun wu Nyɔ. Nε lemi lu nε tɛɛmi.

¹³ Kintaashe ki benjwaanɛn bɛɛn ki Babilɔn ki Nyɔ tsaa tɛ yesi kɛɛ benj. Mak wu nuun nwanɛn li kimbeenche-ε yɛɛshɔɔ benj tɛ.

¹⁴ Nε yesi yih yine, nε koke bε kinjɔngise. Mbɛɛngii nuun li benj bechu-u bε nuun li Krai li.

* **5:12** Bukoon buni nuun tɛ le Sibanus.

Sari

Sari: Sari (New Testament+)

copyright © 2024 Wycliffe Bible Translators, Inc.

Language: Sari

Contributor: Wycliffe Bible Translators, Inc.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

- You include the above copyright and source information.

- If you make any changes to the text, you must indicate that you did so in a way that makes it clear that the original licensor is not necessarily endorsing your changes.

- If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-04-26

PDF generated using Haiola and XeLaTeX on 25 Apr 2025 from source files dated 26 Apr 2025

0b48302f-d71e-5995-a8f4-98013bf8b3d2